

# Hofstetterlied

## 1.Strophe

Me sait, mir sin e Dorf zum pfluuse  
doch d Hauptsach isch, me kunnt au uuse  
es sig au schön zum wandere  
das sage au die andere  
mir aber wüsse: vo pfluuse kai Spur  
Hofstette - das isch Lääbe pur! Hofstette - das isch Lääbe pur!

## Refrain

Turne - skate - schutte - Muusig  
alli mache mit -xx- potztuusig  
Öpfel, Biire, Kirs, Wy  
z Hofstette jo do wött i sy! z Hofstette jo do wött i sy!

## 2.Strophe

Bi uns, do wohne Füchs und Hase und  
und Küeh und Schöfli sin am grase  
und alli Lüt samt Hund  
spatziere, das isch gsund  
tuesch au no ritte, denn wirds Dir schnäll klar  
Hofstette - das isch wunderbar! Hofstette - das isch wunderbar!

## Refrain

## 3.Strophe

Juhui, s isch Fasnacht, hörsch e Gugge  
uff dr Stross gits wyt und breit kai Lugge  
s'isch alles uf de Bai  
au mir göhn nonig hai  
Was wänn mir no meh? S'isch aifach ganz toll!  
Hofstette - du bisch wundervoll! Hofstette - du bisch wundervoll!

## Refrain

## 4.Strophe

Im Dorf, do triffsch no ganz vill Buure  
hejo, mir pfläge halt Kulture  
und in Sache feschte  
sin mir au die Beschte  
es hebe alli zämme, do bruuchts kai Bewiis  
Hofstette - unser Paradies! Hofstette - unser Paradies!